

ԲՈՒՐՍԱ ՆԱՀԱՆԳՈՒՄ

ԿԱԶՄԱԿԵՐՊՈՒԱԾ ՑՈՒՑԱՀԱՆԴԵՍՆԵՐԸ ԵՒ ՀԱՅԵՐԻ ՄԱՍՆԱԿՑՈՒԹԻՒՆԸ

ԱՆԻ ԱԻԵՏԻՍԵԱՆ
aniavet84@mail.ru

ՄԻԻՏՔ

ԺԹ. դարի սկզբից՝ Եւրոպայում եւ Բ. կէսից՝ Օսմանեան Կայսրութիւնում կազմակերպուել են տօնավաճառներ, ցուցահանդէսներ: ԺԹ. դարը համարուել է «Ցուցահանդէսների Դարաշրջան»:

Առաջին արդիւնաբերական, առետրային ցուցահանդէս-տօնավաճառների կազմակերպիչները եղել են եւրոպական առետրային կենտրոնները՝ Ֆրանսիան, Մեծն Բրիտանիան, Ա.Մ.Ն.ն, Աստրալիան:

1798ի միջազգային առաջին «Արդիւնաբերական Ցուցահանդէս»ը բացուել է Ֆրանսիայում, իսկ մինչեւ 1849 կազմակերպուել է եւս 12 նման ցուցահանդէս²:

1851 Մայիսի 1ին Լոնդոնի Հայդ Փարկի «Քրիսթլ ֆելլա»ում բացուել է «Միջազգային Գիտատնտեսական եւ Արդիւնաբերական Ապրանքների Ցուցահանդէս»՝ մասնակից պետութիւնների «Համաշխարհային» ընդգրկումով:

Կազմակերպող երկրների համար այս ցուցահանդէսները եղել են տնտեսական եւ արհեստագիտական կարողութիւնների ցուցադրման եւ ապրանքաարդիւնաբերութեան նոր մշակոյթի փոխադրացման վայր:

Որպէս կանոն ցուցահանդէսները կազմակերպուել են երկրների պատմական կարեւոր իրադարձութիւնների տարելիցները յիշարժանօրէն նշելու համար: 1876ի Ֆիլադելֆիայում կազմակերպուածը բացուել է Ամերիկայի անկախութեան 100րդ, 1889ի Փարիզինը՝ Ֆրանսիայի անկախութեան 100րդ³:

1838 Օգոստոսին Օսմանեան Կայսրութեան եւ Մ. Բրիտանիայի միջեւ կնքուել է առետրային պայմանագիր: Այն նախատեսել է Օսմանեան Կայսրութեան ողջ տարածքում՝ տարածքային ջրերով ու սեւծովեան նեղուցներով ազատ առետրի, ապրանքների անմաքս փոխադրութեան, նոյնիսկ երկրից գիտատնտեսական արտադրանքի եւ հանածոների արտահանման իրաւունքը⁴: Օսմանեան Կայսրութիւնն էլ այս համաձայնագրով ստացել է երկրի տնտեսութիւնը արտաքին աշխարհի հանելու, արեւմտեան շուկայում տեղ զբաղեցնելու հնարաւորութիւն⁵:

Այս նպատակի իրականացման ամենակարճ ճանապարհներից մէկն է եղել Եւրոպայում կազմակերպուող ցուցահանդէսներին մասնակցելը:

Եւ ահա, 1851ին Օսմանեան Կայսրութիւնը մասնակցել է Լոնդոնի ցուցահանդէսին՝ ներկայանալով բերք ու բարիքով, արհեստի եւ արուեստի նմիշներով:

Եւրոպական ցուցահանդէսների օրինակով՝ 1863ին Կ. Պոլսի Սուլթան Ահմէդ Հրապարակում սուլթան Աբդուլազիզի (1861-1867) հանդիսապետութեամբ բացուել է միջազգային արդիւնաբերական ցուցահանդէս, որը նպատակ է ունեցել ցուցադրելու «Օսմանեան տնտեսութեան առաջադիմութիւնը, երկրում արտադրուող ապրանքների որակը, տեսակը եւ արժէքները», ինչպէս նաեւ «արդիւնաբերողների խնդիրները լուծելու եւ ձեռքբերումները գնահատելու համար»⁶:

Ցուցահանդէսը լայն արձագանգ է ստացել Եւրոպայում: Այն տեւել է շուրջ հինգ ամիս, ունեցել 150,000 այցելու: Ցուցահանդէսի պատուին հիմն է գրել իտալացի յօրինող Կալիստօ Գուատելլին⁷: Ցուցադրուել են մասնաւորապէս գիւղմթերք, անտառային բարիքներ, կենցաղային, արդիւնաբերական, ոսկէ, մետաքսեայ, բրդեայ, կաշուէ իրեր, հանքանիւթեր, գործուածքներ, ճարտարապետական եւ գեղեցիկ արուեստի գործեր, երկրի տարբեր կողմերից բերուած ցորենի 42 տեսակ-նՄիւշներ, գիւղատնտեսական մեքենաներ, գործիքներ, Բուրսայից՝ բոժոժներ, մետաքս, հագուստ, զանազան գործուածքներ, բերք, կերպասեղէն են.⁸:

Պոլսում երկրորդ ցուցահանդէսը նախաձեռնուել է 1894ին⁹:

Միայն Բուրսա Նահանգի¹⁰ կենտրոն (թրք.՝ *Bursa Vilayet Merkezi*)՝ Բուրսայում, Ի. դարի առաջին քառորդին կազմակերպուել է երեք արդիւնաբերական, գիւղատնտեսական ցուցահանդէս՝ 1906ին¹¹, 1909ին¹², 1923ին: Վերջինս՝ Թուրքիայի Հանրապետութեան հիմնադիր Միստաֆա Քեմալ Աթաթուրքի հովանաւորութեամբ¹³:

Հաղորդում անդրադարձ է յատկապէս Բուրսայում 1906ին եւ 1909ին կազմակերպուած ցուցահանդէսներին եւ հայերի մասնակցութեանը¹⁴:

Երկու ցուցահանդէսների կազմակերպչական հարցերը կարգաւորելու համար ստեղծուել են յանձնաժողովներ, գրուել կանոնադրութիւններ, պատրաստուել ոսկեայ եւ արծաթեայ շքանշաններ՝ հիւրերին, մասնակիցներին պատուելու համար:

ՆԵՐԱԾՈՒԹԻՒՆ

1906 Օգոստոսի 19ին՝ սուլթանի գահակալութեան տարեդարձին¹⁵, Բուրսայում հանդիսութեամբ բացուել է ցուցահանդէսը՝ նահանգապետի, պաշտօնեաների, օտարերկրեայ դիւանագէտների, Ֆրանսիայի, Պարսկաստանի, Յունաստանի, Իսպանիայի հիւպատոսների եւ երկրի հոգեւոր՝ իսլամ, քրիստոնեայ (յունաց եւ հայոց առաջնորդութիւնների) բարձրաստիճան ներկայացուցիչների, տեղի եւ Կ. Պոլսի, օտարալեզու թերթերի թղթակիցների ներկայութեամբ¹⁶:

Հիւրերի պատուին ցուցահանդէսի տնօրէնը, նահանգապետը ընդունելութիւն են կազմակերպել¹⁷: Հնչել են երգեր, մեծարանքի խօսքեր, աղօթքներ, մաղթանքներ սուլթան Աբդուլ Համիդ Բ.ին (1876-1909)

ուղղուած, որ այդ գործը իրականացուել է նրա անմիջական հովանաւորութեամբ, գովաբանել են Բուրսայի քաղաքապետ Ռեշիդ փաշայի եւ նահանգապետ Թեւֆիք բէյի սոյն նախաձեռնութիւնը¹⁸:

Պատասխան խօսքում Թեւֆիք բէյը յատկապէս կարելորել է, որ Յուցահանդէսը ոչ միայն ցուցադրելու է արդիւնաբերական ապրանքներ, բարիքներ, այլ յատկապէս քաջաւերելու է բարոյապէս եւ նիւթապէս արհեստատրներին, երբ կը տեսնեն իրենց արտադրութեան գնումն ու գնահատումը¹⁹:

Յուցահանդէսի համար ընտրուել է տեղի *Համիդիյէ Արհեստագործական Վարժարանի* երկարկանի շէնքը (حميديه بروسه صنايع مکتبی): Յուցահանդէսը կրել է «Բուրսայի Արտադրութիւնն Ու Բերքը» (بروسه محصولات و (معمولات سرکس) անուանումը²⁰: Մասնակցել են տեղական արհեստների հՄիատ վարպետներ՝ Բուրսայից, Պոլսից, Անկարայից, Սպարթայից, Գոնիայից, Սալոնիկից, Էդիրնէից, Կեսարիայից, Մանիսայից, Քըրշեհիրից²¹:

Յուցադրուել են 20 տեսակի ապրանքներ, դասակարգուած՝ վարժարանի 21 սենեակներում եւ մեծ սրահում²²:

Յուցահանդէսի ապրանքների քանակային հաշուեկշիռը կազմել է 1,659,813 կգ, 1,222,55 մետր եւ 21,728 կտոր, իսկ գումարայինը՝ 953,839 ղուրուշ²³:

Ըստ Գ. Քորքմազի, նահանգապատկան ցուցադրուող ապրանքների քանակը եղել է 18,434 կտոր, 710,60 մետր եւ 1,659,813 կգ, որոնց ընդհանուր արժէքը կազմել է 712,908 ղուրուշ, իսկ Յուցահանդէսին ուղարկուած ապրանքների քանակը՝ 3,294 կտոր, 511,95 մետր եւ ամբողջական արժէքը՝ 240,931 ղուրուշ²⁴:

Յուցահանդէսը այցելուների առջեւ բաց է եղել կ. ետք ժամը 1ից 5 եւ 7ից 11, պարտէզը՝ մինչեւ կէսգիշեր ժամը 3ը, իսկ Երեքշաբթի օրերը տրամադրուած է եղել իսլամ կանանց²⁵:

Յուցահանդէսը քաղաքին հաղորդել է համատարած ցնծութիւն, կազմակերպուել են խրախճանքներ, ձիարշաւներ, հեծանուավագք, ըմբշամարտեր, հրավառութիւն²⁶: Յուցահանդէսի այցելուների թիւը հասել է 27,837ի (օսմանցի՝ 27,639, գերմանացի՝ 56, ֆրանսիացի՝ 67, անգլիացի՝ 22, աստորալիացի՝ 25, շուէյցարացի՝ 2, իսպանացի՝ 2, պարսիկ՝ 9, ռուս՝ 2, հոլանդացի՝ 6, հնդիկ՝ 3)²⁷:

Քաղաքի փողոցները, կառավարական «ապարանքները»՝ քաղաքապետարանը, վարչական շէնքերը, Օսմանեան Բանկը, հայոց եւ յունաց առաջնորդարանները, «Սինգեր» կարի մեքենաների գործարանի մասնաճիւղը, նաեւ Յուցահանդէսին կից ընդարձակ պարտէզը զարդարուած են եղել «Փադիշահիւմ Չոք Եաշա» (Փադիշահին երկար կեանք) վերտառութեամբ դրօշակներով, գունատր լուսավառներով²⁸:

Պարտէզում քաղաքային նուագախումբը հնչեցրել է երաժշտական գործեր, եւ որպէս լրացուցիչ Յուցահանդէսային տարածք ցուցադրուել են

«կանոնաւոր շարուածքով» օսմանցի վարպետների պատրաստած ծիակառքերի նմիւշներ զարդարուն ծիւերով՝ «Զիֆթէլէր» կայսերական ագարակից ուղարկուած: Առանձին տաղաւարներում ցուցադրուել են ընտանի կենդանիների ընտրագոյն տեսակներ՝ գեղեցկատես աքաղաղներ, թռչուններ, նապաստակներ, սագեր, բաղեր են.²⁹: Պարտէգի մի անկիւնը յատկացուել է ֆիլմերի ցուցադրութեանը, ուր Պ. Ֆրոնմայէն որոշ տեսարաններ է ներկայացրել³⁰:

Միայն ցուցահանդէսի տաղաւարների համար տրամադրուել է 1,500 ոսկի³¹: Ընդհանրապէս ցուցահանդէսի կազմակերպական ծախսը կազմել է շուրջ 287,576 ղուրուշ³²:

Ցուցահանդէսն իր կանոնաւորութեամբ հիացրել է այցելուներին, որոնք նկատել են, որ Եւրոպայի որեւէ քաղաքի մէջ տեղական արդիւնաբերութեան համար կազմակերպուած ցուցահանդէսը սրանից կատարեալ չէր կարող լինել³³: Նկատուել է նաեւ, որ Կոնիայի եւ Էդիրնէի ցուցահանդէսներից յետոյ՝ Բուրսայի ցուցահանդէսը եւս օսմանեան արդիւնաբերութեան զարգացմանը խթանող յաջողուած քայլ է³⁴:

Ցուցահանդէսը տեւել է 41 օր: Պաշտօնապէս փակուել է Սեպտեմբերի 30ին՝ շաբաթ երեկոյեան, սակայն մինչեւ Հոկտեմբեր 13ը³⁵ գործել է որպէս վաճառատուն³⁶:

ՅՈՒՅԱՀԱՆԴԵՍԻ ՅՈՒՅԱՆՄԻՒՇՆԵՐ

Տօնավաճառ-ցուցահանդէսի 21 սենեակ-սրահների ցուցանմիւշները³⁷

Սենեակ	Ցուցադրուած նմիւշներ
1	«Թուրք Օրիորդաց Վարժարան»ի սանուիիների, նաեւ առանձին անձերի կողմից պատրաստուած ձեռագործներ, ոմանք «Փաղիշահրմ չոք եաշա» վերտառութեամբ:
2	Սպարթայի, Ուշաքի, Քուլուսի, Սեմաւի, Էսքիշեհիրի, Քէօթափայի, Քըրշեհիրի բրդեայ գորգեր եւ օթոցներ, նաեւ Կեսարիայի հոշակաւոր մետաքսեայ գորգեր: Հերեքէի Կայսերական Գործարանի ³⁸ արտադրութեան երկու մեծկակ գորգեր, 250 ոսկի ³⁹ արժողութեամբ:
3	Հնաոճ առարկաներ եւ ձեռքի աշխատանքներ՝ թրեր, զէնքեր, տաբատներ՝ բոլորն էլ տեղական արտադրութեան:
4	Մետաքսեայ գործուածքներ, այդ թուում Հերեքէի եւ ՔարաՄիւսալի գործարանների մետաքսեայ կերպասներ:
5	Բուրսայի յայտնի սրբիչներ (<i>հալու</i>), բաղնիքի պիտոյքներ, սեղանի պարագաներ, տեղական՝ խիտ հիւսուածքով բրդեայ <i>աբանի</i> ներ ⁴⁰ , Բալըքեսիրի, Բիլեջիկի, Սէօյիտի, Էսքիշեհիրի, Չեշմէի, Մանիսայի գործուածքներ, բրդեայ կերպասեղէն ⁴¹ :
6	Մետաքսագործութիւն: Բոժոժի արտադրութիւն, թէ սերմը ինչ

	շրջաններ է անցել մինչեւ բոժոժի վիճակին հասնելը:
7	«Սինգէր» Ընկերութեան մեքենաներ. բաժնի միքանի գործավարուիներ այցելուներին ծանօթացրել են բանուածքների պատրաստութեան ձեւի եւ մեքենաների գործածութեան եղանակի հետ ⁴² :
8	Ռեժիի ⁴³ վարչութեան՝ նահանգում եւ այլուր արտադրուող ծխախոտի տերեւներ եւ ծխախոտների տեսականի ⁴⁴ :
9	Ակնակուռ եւ ասեղնագործ իրեր, զանազան արհեստներ:
10-11	Բուրսայի Համիդիյէ Արհեստագործական Վարժարանի եւ Պոլսի Արհեստագործական Վարժարանի սաների արտադրութիւն՝ գրելու, արդուզարդի սպասներ, գրապահարաններ, կահկարասիներ ⁴⁵ :
12	Բնութեան բարիքներ, յատկապէս Բուրսայի, Քարահիսարի անտառների եւ հանքարդիւնաբերութեան՝ ծառերի նմիւշներ, սերմեր, շէրով հանքային ջրեր ⁴⁶ :
13	Թամբագործութեան, մորթու մշակման, կօշկագործութեան գործիքներ, մորթիներ, կօշիկներ:
14	Ներմիծուած երկրագործական առարկաներ:
15	Շաքարագործութիւն ու հրուշակագործութիւն: Նահանգի պտուղներից պատրաստուած օշարակներ եւ անուշեղէն:
16-17	Կերպասեղէնի մեքենաներ, երկրագործական գործիքներ եւ անօթներ:
18	Տեղական եւ Այալըքի, Էդրեմիդի եւ Միդանիայի գաւառներից՝ կարագ, ձիթաիւղ, պահածոներ, վարդաջրեր:
19	Գեղարուեստ:
20-21	Քէօթահիայի վարպետների ստեղծած յախճապակիների նմիւշներ ⁴⁷ :

Բոլոր սրահներում ցուցավար պաշտօնեաները ընդունել են այցելուներին եւ ներկայացուած ապրանքների մասին նրանց ծանուցել⁴⁸:

Գնումներն իրականացուել են շէնքի երկու յարկերում: Պաշտօնեան յատուկ կտրօնի վրայ նշել է գնորդի անունն ու ապրանքագինը, ապա այն ներկայացուել է գանձապետին: Գումարի գանձումից յետոյ՝ թուղթը կնքուել է արդէն մէկ ուրիշ պաշտօնեայի կողմից: Սա խօսում է, հաշուական գործերի կանոնաւոր հսկողութեան մասին⁴⁹:

ՄԱՍՆԱԿԻՅՆԵՐ

Ցուցահանդէս-տօնավաճառը կրել է բազմազգ բնոյթ (թուրք, հայ, յոյն, ֆրանսիացի, ռուս, բուլղար եւն.): Մասնակցել են 522 հոգի⁵⁰, նրանցից 102ը եղել են հայ, որից 94ը միայն Բուրսա Նահանգից. (Բուրսայից՝ 39, Բիւլեջիկից՝ 29, Բալըքեսիրից՝ 1, Ազիզիէից՝ 2, Սոքուդից (Սողուտից)՝ 1, Մէլիսալիչից՝ 3, Քէօթահիայից՝ 5, Փազար Քէօյից՝ 2, Բանդրմայից՝ 3,

Էսքիշեհիրից՝ 5, Քարահիսարից՝ 4), եւ 8ը այլ նահանգներից (Պոլսից՝ 3, Անկարայից՝ 1, Սպարթայից՝ 2, Կեսարիայից՝ 1, Քըրշեհիրից՝ 1)՝ վաճառականներ, ոսկերիչներ, դարբիններ, հրուշակագործներ, կօշկակարներ, դեղագործներ, դերձակներ, ատաղձագործներ, կահագործներ, երկաթագործներ, կաշեգործներ, խարազագործներ, հնավաճառներ⁵¹:

Հայերի ներկայացրած ապրանքները եղել են արժէքատու՝ տեսակով, ոճով, նրբութեամբ, բացառիկութեամբ. «Պրուսայի Հայերը մեր գաւառաբնակ ժողովրդեան մէջ ի հնուց ի վեր կարեւոր տեղ մը գրաւած են եւ ծանօթ են իրենց աշխատասիրութեամբ եւ ուշիՄիութեամբ: Մէկ քանին այն արհեստներէն, որոնց նմոյշները դրուած են ցուցահանդէսին մէջ, ո՛չ միայն ուրիշ նահանգներու մէջ անծանօթ մնացած են, այլ եւ բաւական յառաջացած վիճակ մը ցոյց կու տան Պրուսայի նահանգին մէջ»՝ վկայել է Սուրհանդակ օրաթերթի լրագրող Աբիկ Միպահիաճեանը⁵²:

Ցուցահանդէսին ներկայացուած են եղել նաեւ ապրանքներ միայն ցուցադրութեան համար: Բուրսայի Ադի Շուկայից (թրք.՝ *Թուզ Չարշը*) թղթավաճառ Հաքիմի որդի Կարապետը ներկայացրել է մէկ արկղ ծխախոտի թղթի նՄիւշ⁵³, Բանդրմայի Հայ գիւղից (Էրմենի Քէօյ) ոմն՝ 4 կտոր գրանիտ⁵⁴, Բիլեջիկից Համբարձում աղան, Յակոբ Միւրջիքեան էֆենդին, անատոլիացի Յակոբ էֆենդին, Թիլիքեան Ռուբէն էֆենդին, Գրիգոր եւ Մինաս էֆենդիները՝ սպիտակ մետաքս, կոշտ բամբակէ շղարշ⁵⁵, Պոլսից Օննիկ Տէրունեան էֆենդին՝ յղկուած մարմարակերտ քարեր⁵⁶ (հայալեզու աղբիւրում՝ գրանիտից բազրիքներ)⁵⁷:



Քէօթահիայի յաճապակիները

ՀԱՅԵՐԻ ԱՐՏԱԴՐՈՒԹԻՒՆՆԵՐԸ

Հայ վարպետների անունների, նրանց արհեստների նմիշների յիշատակումները՝ հնարարություն են տալիս ուրուագծել հայերի տնտեսական, բազմազան արհեստների տիրապետելու եւ յատկապէս Բուրսայի յայտնի արդիւնաբերական, գիւղատնտեսական ոլորտներում առաջնային տեղ զբաղեցնելու փաստը:

Այսպէս, Բուրսայից՝ ոսկերիչ Բիլեջիկլեան Կարապետ էֆենդին ցուցադրել է արծաթէ իրեր՝ պնակ, գրչատուփ, զգրոց (զարդատուփ), արծաթէ շրջանակով հայելի⁵⁸, լուսանկարիչ Փափագեան էֆենդին՝ 1,620 ղուրուշ արժողութեամբ իւղանկար, սեւ մատիտով նկար⁵⁹, նկարիչ Զարեհ Ռաֆայէլ էֆենդին (նոյն Զարեհ Առաքելեանը - Ա.Ա.⁶⁰)՝ իւղանկար Բուրսայի համայնապատկերով⁶¹, քանդակագործ Թահթալեանը՝ գեղանկար 1,134 ղուրուշ արժողութեամբ⁶², Քալանթարեան էֆենդին (հայալեզու աղբիւրում՝ Պ. Դ. Քալանթարեանց - Ա.Ա.)՝ մօտ 850 քառակուսի սանտիմետր մակերեսով Խիւղավենդիգետար Նահանգի բարձրաքանդակ քարտէզը եւ հին արտադրութեան սանդ⁶³, *Երկաթագործների Շուկայից* (թրք.՝ Դեմիրջիլէր Չարշը) Հաջի Սարգիս Մէլիսալիջեանը՝ երկաթածոյլ կշէրքներ, կապար, երկաթէ անկիւնաչափ, գայլիկոն⁶⁴, *Աթարի Շուկայից* (թրք.՝ Քըղան Չարշը) դարբին Յարութիւն աղան՝ ծուռածեւ փայտէ գեղազարդ տախտակ՝ վրան գաՄիած պայտ, ծուռածեւ տուփ՝ վրան գաՄիած պայտ եւն.⁶⁵, նոյն շուկայից ՔէօՄիւրեան Գրիգորը՝ հայելի, մարմարէ դարակաւոր պահարան, օրօրոց, սնդուկի կողքին՝ շերամի տերեւը կտրելու սարք, որն իր առաջարկած 124 ղուրուշի փոխարէն վաճառուել է 334 ղուրուշով⁶⁶, Այդինի որդի Կարապետը՝ հնաոճ գլխարկ (ֆէս)⁶⁷, *Հնավաճառի Շուկայից* երաժիշտներ Պօղոս եւ Լեւոն վարպետները՝ երաժշտական գործիքներ (սազ եւն.⁶⁸), *Երկար Շուկայից* (թրք.՝ Ուզուն Չարշը)⁶⁹ հնավաճառ Արաբեան Փարնակը՝ արծաթէ զարդատուփ, փայտէ թուր, սեւ աչքի ուլունք, մատնիքաւոր հրացան, գորգ՝ 4,000 ղրշ. արժողութեամբ, օթոց՝ 9,100 ղրշ. արժողութեամբ, կարպետ, ոսկեթել կրծկալ, մետաքսէ կերպաս, երկու կողմից ասեղնագործ բարձի երեսներ, կրօնաւորի հագուստ (կապա), փափուկ կտորից երկար խալաթ եւն.⁷⁰, նոյն շուկայից ոսկերիչ՝ Քարահանեան Փարնակ էֆենդին՝ արծաթէ եւ արծաթազօծ իրեր՝ զարդատուփ, գօտի, խնկաման, թաս, պնակ, քառոտանի բաժակ եւն.⁷¹, իսկ ոսկերիչ Շիշմանեան Գառնիկ էֆենդին⁷²՝ արծաթէ պնակ, մարգարտեայ վզնոց, մարգարտեայ ասեղնագործ փողկապ, յախճապակէ վարդաջրաման, փղոսկրէ պատառաքաղների հաւաքածոյ, սեղանի հնաոճ սփռոց, թիկնոց, կայծքարով ատրճանակ, բաժակ եւ արծաթազօծ ափսէ, արծաթազօծ շաքարաման, արծաթէ խնկաման, արծաթեպատ հին վառօդաման, արծաթէ գօտի եւն.⁷³, Պօղոս Բասմաջեանը՝ ոսկեհուռ թեղանաւոր թիկնոց, գորգէ խուրջին եւն.⁷⁴, դեղագործներ Նշան էֆենդին՝ գեղեցիկ շշերով օղիներ, օշարակներ,

թուրմեր, դեղձի եւ սալորի անուշներ, պահածոներ⁷⁵, Նաջար եւ Նշան Քասաբեանները՝ ջերմաչափ⁷⁶, Քուրդիքեան էֆենդին՝ օղի, կոնիակ, հնեցուած գինի՝ թուվ 171 շիշ⁷⁷, Գրիգորիս էֆենդին՝ 24 շիշ թթի օշարակ⁷⁸, Ուշաքլեան Նշան էֆենդին՝ բարձրահիւս բանուածքով թութակի, սիրամարգի պատկերով բարձեր, սադափէ ատրճանակ, աթոռ եւն.⁷⁹ *Աղի Շուկայից* զանգակագործ Ալեքսան վարպետը՝ տարբեր կենդանիների համար զանգեր⁸⁰, *Պղնձագործների Շուկայից* (թրք.՝ Բաքըրջըլար Չարշը) հաջի Յակոբ աղան՝ դռան աւանդական փականներ, ձուլածոյ սանդեր. կէս օխանոց դիրիէմ (կշռաքար), կրակարան ունելիով (աքցան), սրճաղաց⁸¹, վաճառականներ Յակոբոս Տէր-Ահարոնեան էֆենդին⁸², Մալուկի որդի Տիգրան էֆենդին (հայալեզու աղբիւրներում՝ Տիգրան էֆենդի Մորուքեան)⁸³, Միհրան Քոլէեանը⁸⁴, Պօղոս Բահրէեանը⁸⁵, *Երկար Շուկայից* Գրիգոր Բաքըրջեան ու Յարութիւն էֆենդիները⁸⁶՝ ատլասէ, ոսկեզօծ արծաթաթելով գործուած օթոցներ, ժակէտներ, թիկնոցներ, ասեղնագործ իրեր, թաւշէ եւ ատլասէ հագուստներ, Միշտակներ, ոսկէ իրեր, կանացի եւ տղամարդու զանազան փողկապներ, մանեակներ, մետաքսէ, ատլասէ, թաւշեայ, օսլայած կերպասներ, թաշկինակներ, օթոցներ, գլխաշորեր, ծածկոցներ, մետաքսէ ասեղնագործ վարագոյրներ, շղարշներ, սրբիչներ, զանազան ափսէներ, բաժակներ եւն., իսկ վաճառականներ Քերովբէ էֆենդին⁸⁷, Խանջեան Չարեհը⁸⁸, Կարապետ Հանէեանը⁸⁹՝ գորգեր, կարպետներ, ասեղնագործ իրեր, ծածկոցներ եւն.: Կեսարացի Եակոբեան Հայկազուն էֆենդիի ապրանքներից հետաքրքրական են եղել յատկապէս Խուդաւենդիգեար Նահանգի բարձրաքանդակ քարտէզը, մետաքսէ եւ բրդեայ գորգերը⁹⁰, նոյն երկրացի Յակոբ Թիմիւրեան էֆենդին ներկայացրել է մետաքսէ օթոցներ, երկու գորգ, որոնցից իւրաքանչիւրի արժէքը եղել է 5,250 դրշ.⁹¹, իսկ Պոլսեցի կօշկակար Բաղդիկը՝ կանացի տնային թեթեւ ոտնաման (Միւճակ)⁹², քարսաքցի հաջի Սարգիս աղան՝ ուլունքապատ քսակ⁹³, *Սելջուկ Խաթուն* թաղամասից կահագործ վարպետ Մանուկ Իսքանդերը՝ արաբանախշ (արաբեսկ) հայելի 5,000 դրշ. արժողութեամբ⁹⁴, *Հոջա Թըփ* թաղամասից Յակոբ Լաթիֆեանը՝ բոլորածեւ այցեքարտ⁹⁵, *Քարա Աղաչ* թաղամասից Թաքֆօրը՝ մետաքսից պատրաստուած օսմանեան զինանշան⁹⁶, *Վելէդ Բետուապ* թաղամասից պաղպաղակագործ Մարտիրոսը՝ թափշի վրայ բարձրահիւս բանուածքով պատկեր⁹⁷, *Փիրինջ Խանի* փողոցից ձուլագործ Մարկոսեան Օննիկը՝ մետաքսի գործարանների համար տաք եւ սառը ջրի պարպման ծորակներ եւ հրշէջ ջրհանի խողովակներ⁹⁸ (հայալեզու աղբիւրում Մարկոսեանի հետ յիշատակում է նաեւ Մանուկեան ազգանունը)⁹⁹:

Բիւլեջիկից մետաքսագործ Երուանդ էֆենդին՝ ժամանակից շուտ հունտը ձլեցնելու յատուկ գործիք, բոժոժի եւ շերամի հաւաքածու¹⁰⁰, ոսկերիչ Ստեփան աղան՝ արծաթի վրայ փորագրուած սեւապատկեր

ապարանջան¹⁰¹, իսկ նոյն անունը կրող մէկ այլ ոսկերիչ՝ սեւապատկեր փորագրուած արծաթէ գրպանի դանակ¹⁰², Նուրիջան աղան՝ սեղանի, բազմոցի, օթոցի չթէ ծածկոցներ-բարձեր-վարագոյրներ են.¹⁰³ հիսարցի Կարապետը¹⁰⁴, *խարտեաշ* Կարապետը¹⁰⁵, Յարութին էֆենդին¹⁰⁶ եւս ցուցադրել են տեղական չթից կարուած զանազան ծածկոցներ, վերմակի երեսներ, ատաղձագործներ Յովհաննէս, Ստեփան, Օհան աղաները՝ ընկոյզից պատրաստուած կահկարասի¹⁰⁷, կարասագործ Մարիի հունտի պատեանից պատրաստուած նկարները եւս աչք են շոյել¹⁰⁸, իսկ կարասագործ՝ Նշանը ցուցադրել է 450 հատ թղթեայ արհեստական ծաղիկներ¹⁰⁹, ջին Յակոբը՝ թոփերով հագուստի կտորներ, գլխաշորեր, թաշկինակներ, զուգագուլպաներ, գինու երկարաւուն տակառներ¹¹⁰, երկաթագործ վարպետ Յակոբը՝ մարմնամարզական երկաթածողեր¹¹¹, բիւշիկցի Յովսէփը՝ մամլած բրդից կարպետներ (թաղիք), բրդեայ համետակալներ¹¹², վարպետ Միսակը՝ աթոռներ¹¹³, Անտոն եւ Ստեփան վարպետները՝ ծիրանափող 2 հատ¹¹⁴, Կարապետ էֆենդին՝ պատուհանի վարագոյրներ¹¹⁵, կօշկակար Յարութինը՝ հողաթափ¹¹⁶, դերձակներ Մաթոսը¹¹⁷ եւ Յովհաննէսը¹¹⁸՝ տաբատներ, հրուշակագործ Մելքոնը՝ ունաբ¹¹⁹, ձուլագործ Մարտիրոսը¹²⁰՝ կորզան¹²¹, երկաթագործ վարպետ Թորոսը՝ բահ¹²²:

Բալըքեսիրից խարազագործ Համբարձում էֆենդին՝ 8 թոփ խարազ¹²³:

Ագիգիէյից վաճառականներ Յովհաննէս եւ Գրիգոր էֆենդիները՝ զարդ, ցորեն եւ գարի¹²⁴:

Սոքուդից կօշկակար Պետրոսը ցուցադրել է կանացի մէկ զոյգ կօշիկ¹²⁵:

Մէլիսալիչից Օննիկ էֆենդին՝ հին սազեր, դեղագործ Էլմայեան Քէօթիկ էֆենդին՝ գործուած կիսագուլպաներ¹²⁶, Չաքալ Թաղամասից երկաթագործ Կոստանդին աղան՝ գուլթան¹²⁷:

Քէօթահիայից Բոյաջը օլլու Յակոբջանը¹²⁸, Արսէնեան Յովսէփ էֆենդիի գործարանը¹²⁹, Սալաբաշեան Յարութին եւ Հաջի Քալոսեան Կարապետ էֆենդիները¹³⁰ ներկայացրել են զանազան գորգեր, Սեմիդի որդի Խաչիկը եւ Միհրանը՝ վարագոյրներ, կաշուի տեսականի¹³¹:

Յուցահանդէսում լայն տարածք է զբաղեցրել եւ այցելուների, լրագրողների, պաշտօնեաների ուշադրութեանն է արժանացել յատկապէս Քէօթահիայից յախճապակու գործարանատէր Միհրան Մինասեան էֆենդիի տրամադրած 1,327 հատ յախճապակեայ գինու, ջրի շէր, կժեր, թասեր, ծաղկամաններ, մոխրամաններ, բղուլներ, մրգամաններ, ջրամաններ, բաժակներ, ափսէներ, պնակներ, աղցանամաններ, ձուամաններ են.¹³²:

Փազար Քէօյից՝ Ենի Քէօյ Նահիէի քաղաքապետարանի ղեկավար Շարաբխանեան Մարգար էֆենդին եւ Ենի Քէօյում «Սոնփելիէ» Երկրագործական Վարժարանի շրջանաւարտներից Քարաղոսեան

էֆենդին ներկայացրել են կոնիակ, օղի, հնեցուած գինի, ծիրախիւ, ծիրախիւ¹³³:

Բանդրմայից վարպետ Յովհաննէսը՝ երկաթ գութան, Էրմենի Քէօյից՝ կոշտ խսիր¹³⁴:

Էսքիշեհիրից վարպետներ Ստեփանը, Պօղոսը, Ջենդերէջեան հաջի Յակօբը, Միհրան Օհաննիսեանը, Քարաքաշեան Յակօբոս Էֆենդին՝ մկրատներ, կօշկակարի գործիքներ, կնգուղ, անգորայից Միւշտակներ, օթոցներ, արծաթ թասեր¹³⁵:

Քարահիսարից Քափլանի որդի վարպետ Մինասը՝ փայտէ պայտ, փոքր սեղան, գաւազան, մոմակալ, ոսկերիչ վարպետ Նշանը՝ ծխափող, ապարանջան, գաւազանագլուխ են.¹³⁶ Սէրանի որդի վարպետ Յովհաննէսը՝ հալուէ, վեցագլուխ պատերազմական գործիք¹³⁷, իսկ Պետիկի որդի վարպետ Գրիգորը՝ ծալովի որսորդական հրացան¹³⁸, ոսկերիչ Նշանը՝ ծխափող, փայտէ կօշիկ վզնոցով, նարգիլէի ծխաման, ապարանջան են.¹³⁹:

Պոլսից Տիգրան Քէյուլեանը՝ բազմոցի գորգ, օթոցներ¹⁴⁰, Իսագուլեան (հայալեզու աղբիւրներում՝ Յ. Իսագուլեան) էֆենդին՝ պահածոներ, թէյ են.¹⁴¹:

Անկարայից միակ մասնակից Արամ Էֆենդին՝ Անկարայի բրդեայ պաստառ 64,520 մ. երկարութեամբ¹⁴²:

Սպարթայից Դոկտոր Պետրոս եւ Ընկերութիւնը՝ արօր, օթոցներ¹⁴³, հաջի Թնաշի որդի Արտեմը՝ գօտիներ¹⁴⁴: Յատկապէս այցելութիւն հիացրել է Դոկտոր Պետրոսի բրդեայ գորգի վրայ հիւսուած պատկերը՝ բնագիր լուսանկարի հետ կէտ առ կէտ նմանութիւն ունենալու հանգամանքով¹⁴⁵:


Կեսարիայից Գրիգոր Քոնդակչեան (Գրիգոր Գունտաքճեան¹⁴⁶) էֆենդին՝ մետաքսեայ օթոցներ¹⁴⁷:

Քըրշեհիրից Չաքըջիի որդի Մինասը՝ օրօրոցի բարձերի տեսականի¹⁴⁸:

Այս վարպետներից ոմանք (Շիշմանեան, Յակօբոս Տէր-Ահարոնեան, Տիգրան Մօրուքեան, Միհրան Մինասեան, Շարապխանեան, Մարկոսեան, Տէրունեան, Բոյաջըօղլու Յակօբջան, Դոկտ. Պետրոս Էֆենդի, Նշան Ուշաքլեան, Յ. Իսագուլեան են.) յիշատակուել են նաեւ Պոլսում տպագրուող հայալեզու օրաթերթերում¹⁴⁹:

Հայալեզու աղբիւրներում յիշատակուած են 8 հայ վարպետի անուններ եւս, որոնք թուրքերէն աղբիւրում բացակայում են: Մեսիա Գասապեան եւ Հաջի Գալուստեան Էֆենդիները ցուցադրել են Կեսարիայի մետաքսեայ գորգեր¹⁵⁰: «Օրիորդաց Վարժարան»ի ուսուցչուհի Տիկին Ռ. Առաքելեանի «Փաղիշահիւմ Չոք Եաշա» վերտառութիւններով երկու ձեռագործներն արժանացել են բարձր գնահատանքի¹⁵¹: Արհեստաւոր Մկրտիչ Էֆենդի Մէլիալիքեանը ներկայացրել է բոժոժի արտադրութիւնը ցուցադրող մեքենայ¹⁵²: Երկրագործական գործիքների սրահում մեծ ուշադրութիւն է

գրաւել Յովհաննէս Էֆենդիի մշակած գործիքը՝ «Աթէշ զարֆա» (Կրակէ ծրար) անունով¹⁵³: Սահակ Լաթիֆեանը ցուցադրել է կողովի մէջ սեւ եւ կանաչ ծիթապտուղներ¹⁵⁴: Պոլսից վաճառական Կ. Եւրուեանը ներկայացրել է թէյի եւ պահածոների ընտիր նմիւշներ¹⁵⁵: Քալանթարեան Վարժարանի արտադրութիւններից ցուցադրուել է 100 օսմանեան ոսկի գնահատուած միակ մետաքսեայ մեծադիր նկարը¹⁵⁶:



۱۰ تموز ۱۳۲۵ بروسه سرکینک رسم کشادی
L'inauguration de l'Exposition régionale de Brousse le 10/23 Juillet 1909

1909ի ցուցահանդէսի պաշտօնական բացումը
ԿԱԶՄԱԿԵՐՊՈՒՄ ԵՒ ՎԱՃԱՌՔ

Հայերը ոչ միայն ցուցադրել են իրենց ապրանքները, այլեւ բերել են իրենց մասնակցութիւնը ցուցահանդէսի կազմակերպական հարցերում եւ ունեցել պարտականութիւններ:

Ցուցահանդէսի ճարտարապետը եղել է Գամիկ Էֆենդի Գիւմիւշեանը, իսկ ցուցապահարանների պատրաստողների շարքում են հայ վարպետներ՝ Սարգիս Գալեանն ու Գարեգին Մաւեանը¹⁵⁷:

Ցուցահանդէսի յանձնաժողովի անդամներ են եղել Բուրսայի Համիդիէ Արիեստագործական Վարժարանի տնօրէն Մանուկ Էֆենդին, նահանգի վարչական ժողովի անդամներից Սերոբջան Էֆենդին¹⁵⁸, վաճառքի պատասխանատուներից՝ Գրիգոր Էֆենդի Յակոբեանը¹⁵⁹, Յակոբ Լաթիֆեան Էֆենդին, Օննիկ Էֆենդին¹⁶⁰, գանձապետերից՝ Գրիգոր Բէյ Նահապետեանը¹⁶¹, Ազնիւ Էֆենդին Ութուշեանը¹⁶², ցուցադրութեան պատասխանատու՝ Պետրոս Էֆենդին¹⁶³, մեքենագէտ՝ Մկրտիչ Էֆենդին¹⁶⁴,

Քեթթախիայի յախճապակիների մասնաճիղի պատասխանատու՝ Մինասեան էֆենդին¹⁶⁵:

Յուցահանդէսում հայերի ցուցադրած ապրանքներից յատկապէս վաճառուել են Յակոբոս Տէր-Ահարոնեանի (որն արժանացել է նաեւ վկայագրի¹⁶⁶), Մաւրուկի որդի Տիգրան էֆենդիի ցուցադրած ապրանքները, ջին Յակոբի թաշկինակները, կերպասները, գլխաշորերը, զուգագուլպաները, Մինասեան էֆենդիի Քեթթախիայի յախճապակեայ իրերն ու գորգերը, Սեմիդ օղլու Խաչիկի եւ Միհրանի վարագոյրներն ու կաշուեղէնը, Շարաբխանեան Մարգար էֆենդիի գինիները, ձիթաիւղն ու ձիթապտուղը, Քարաղոսեան էֆենդիի կոնիակները, հնեցուած գինիները, քարահիսարցի Քափլանի որդի վարպետ Մինասի ապրանքները՝ փայտէ պայտ, փոքր սեղան, գաւազան, մոմակալ, սպարթացի Դոկտոր Պետրոս էֆենդիի երեք գորգերը՝ (4.60x3.35) մեծութեամբ¹⁶⁷:

ԵՐԿՐՈՐԴ ՅՈՒՅԱՀԱՆԴԷՍԸ

Բուրսայի երկրորդ՝ 1909ի ցուցահանդէսը կազմակերպուել է սուլթան Մեհմէդ 5րդի (Մէհմէդ Ռեշադ, 1909-1918) հովանաւորութեամբ:

Թուրքական աղբիւրները վկայում են, որ այս ցուցահանդէսը բաւականին մեծ է եղել 1906ի ցուցահանդէսի բաղդատմամբ¹⁶⁸: Սակայն ի տարբերութիւն թուրքական աղբիւրի, ժամանակի Պոլսում հրատարակուող հայալեզու *Ազատամարտ* թերթի լրագրող Զ. Գրիգորը նշում է, որ Յուցահանդէսը չի ունեցել նախորդի ճոխութիւնը, եղել է աղքատիկ, նոյնիսկ եղել են վարպետներ, որոնք ինչ-ինչ պատճառներով չեն ցուցադրել իրենց աշխատանքները¹⁶⁹:

Յուցահանդէսի կազմակերպման համար նոյն տարուայ Մարտի 24ին նահանգապետ Ազմի բէյի գլխաւորութեամբ կազմիւել է 14 հոգու յանձնաժողով¹⁷⁰: Ընդգրկուել են նաեւ հայ պաշտօնեաներ՝ Բուրսայի քաղաքապետարանի ղեկավար Ստեփանը, Նահանգի վարչական ժողովի անդամներից Սերվիշեան էֆենդին¹⁷¹:

1909 Յուլիսի 23ին բացուել է ցուցահանդէսը, որը նուիրուել է 1908ի՝ Սահմանադրութեան հռչակման առաջին տարելիցին¹⁷²: Այդ առթիւ Բուրսա են ժամանել հիւրեր, հիւպատոսներ, Պոլսում հրատարակուող, ինչպէս նաեւ տարալեզու թերթերի լրագրողներ¹⁷³:

Յուցահանդէսի համար ընտրուել է քաղաքապետարանի շէնքը¹⁷⁴, որի մասին մաՄիւլը արձանագրել է. «*Քաղաքի կեդրոնը, Պելէրիյէի շքեղ ու ծաղկազարդ պարտէզին մէջ սարքուած է ան: Ասիական նազաճուններ ու երգիչները պարտէզի աւազանին շուրջը կը նուագեն: Քանի մը քայլ անդին կանգնած է հոյակապ շէնքը Պելէրիյէի՝ երկաթի վանդակէ դռնով, որ բաց է ...*»¹⁷⁵:

Յուցահանդէսը գործել է շուրջ երկու ամիս, մինչեւ Սեպտեմբերի 13¹⁷⁶ (հայալեզու աղբիւրում՝ Սեպտեմբեր 3¹⁷⁷):

Յուցահանդէսի կազմակերպական եւ ընթացիկ գործերի համար ծախսուել է 1,719,900 դր.¹⁷⁸:

Յուցահանդէս է այցելել սուլթան Մեհմէդ Ռեշադն իր որդիների եւ շքախմբի հետ¹⁷⁹: Շրջել է տաղաւարներով, յայտնել իր գոհունակութիւնը, գնումներ է կատարել, այդ թուում՝ Մինասեանի յախճապակէ իրերից¹⁸⁰:

Նահանգապետ Ազմի բէյը սուլթանին արծաթեայ սկուտեղով, սպիտակ մետաքսէ թաշկինակի մէջ փաթաթուած՝ «*Hatira-i Teshrif-i Hūmayun 18 Şaban 327*» (Ի յիշատակ սահմանդրութեան, ՀՋՐ. 1327 Շաբան ամսի 18րդ օրը = 1909 Սեպտեմբեր 3) գրութեամբ ցուցահանդէսի ոսկեայ շքանշանն է նուիրել¹⁸¹:

Յուցահանդէսի հիմնական ճիւղերը բովանդակել են ձեռային աշխատանքներ, ուսումնական նիւթեր, արդիւնաբերական ապրանքներ, հանքային եւ անտառային բերքեր, կերպասեղէն, գիւղատնտեսական գործիքներ, մարդու աշխատանքով ստեղծուած բարիքներ¹⁸²:

Յուցադրուել են Գիւղատնտեսական Դպրոցի երկրագործական գործիքները, Այալըքի մաքուր գտուած ծիթաիւղեր, օճառներ, ծիթապտղից պատրաստուած Կիմլէյիկի բազմագոյն եւ բազմաձեւ օճառներ, փոքր տուփերով Էդրեմիդի օճառներ, Միւղանիայի, Բուրհանէի, Իզնիկի, Կիմլէյիկի ծիթապտուղների տեսականի, Քէօթահիայի, Իզնիկի, Էդրեմիդի, Քուդուսի, Կիմլէյիկի այգիների բերքից խաղող, բալ, նուշ են., Էդրեմիդի խաղողից պատրաստուած դոշաբ, Բուրսայի կաշուեղէն ու կաշեգործութեան նՄիւշներ, դպրոցական պայուսակներ, փամփշտակալներ, զարդարուն թամբեր, որոնք առանձնացել են իրենց նրբութեամբ եւ դիմացկունութեամբ, Բուրսա Նահանգի բոլոր հանքանիւթերն ու փայտի տեսակները, սպիտակ ու գունաւոր քարերի, ոսկու, արծաթի, պղնձի, կապարի, երկաթի, հանքածուփի, կաւիճի, աղի են.ի հանքանՄիւշներ, տեղական բոլոր սերմերը՝ ցորենի 4-5 տեսակ, սեւ ու սպիտակ գարի, սիսեռ, ոսպ, եգիպտացորեն, կտաւատ, լոբի, բակլայ, ափիոն, մանանեխ, վարսակ են.' շարուած են եղել նպարավաճառի խանութի ձեւով՝ քսակներով եւ ապակիներով, ապակեայ արկղերի մէջ ցուցադրուել են Երոպայից բերուած շերամի որդի եւ թիթեռնիկի մեծադիր նՄիւշներ, տեղի Երկրագործական Վարժարանի համար Երոպայից բերուած զանազան մեքենաներ եւ տեղական գործիքներ՝ խոփ, բահ, գերանդի, մանգաղ, բրիչ են., տեղի արհեստաւորների ձեռքի աշխատանքներ՝ փոքրիկ ջրաղացներ, կժեր, ափսէներ, նախշերով փորագրուած բաժակներ, սանդեր են., տեղի վարպետների փայտարուեստի նՄիւշներ՝ նախշափոր սեղաններ, արկղեր, դռներ, հայելու շրջանակներ, սրեր, դանակներ, փայտի փորագրման գործիքներ են., տեղական ծխախոտ, քաղցրաւենիք, նկարներ, թուրմեր, հնեցուած գինիներ, կոնիակներ, օղիներ, յախճապակեայ բաժակներ, ափսէներ, ծաղկամաններ, ջրամաններ, կաւէ ամաններ, հնաոճ իրեր, Պոլսից

զանազան հացահատիկներից պատրաստուած թանրիճներ (չորթանապուր, թրք.՝ *թարխանա*) են.¹⁸³:

Մեծ բաժին է յատկացուել տեղական գորգագործությանը եւ կերպասեղէնի արտադրութեանը, ձեռագործներին: Յատկապէս աչքի են ընկել Քէօթահիայի գորգերը՝ 2-25 ոսկի արժողութեամբ եւ մետաքսէ գործուածքները, Քէօթահիայի յախճապակիները, Միւղանիայի բամբակէ գործուածքները, Բուրսայի սրբիչներն ու մետքասէ գործուածքները, որոնք առանձնացել են իրենց նրբութեամբ եւ գեղեցկութեամբ¹⁸⁴:

Հայերն այս ցուցահանդէսին նոյնպէս մասնակցել են: Առկայ նիւթերի հիման վրայ յիշատակենք ցուցահանդէսին մասնակցած որոշ հայերի անունները:

Այսպէս, շէնքի դռնից ներս՝ աջ եւ ձախ հատուածներում շարուած են եղել արդէն իսկ նախորդ ցուցահանդէսից յայտնի Քէօթահիայի՝ Մինասեանի գործարանի ծաղկաւոր յախճապակեայ ափսէները, ջրամանները եւ այլ տնային իրերը¹⁸⁵:

Նախորդ ցուցահանդէսից յայտնի բուրսացի Օննիկ Մարկոսեանը ցուցադրել է այս անգամ եւս եւրոպականի նմանութեամբ իր պատրաստած ջրհան մեքենան՝ ջրի ամբարի տեղով, որտեղից լցուած ջուրը երկու լծակի միջոցով դուրս է հոսել¹⁸⁶:

Ցուցահանդէսը լուսաբանող մեր տրամադրութեան տակ եղած թուրքերէն ամսագրի համար Ցում նոյնպէս յիշատակուել է Օննիկ Մարկոսեանի «*ճարպկութեամբ պապորաստուած*» ջրհան մեքենան (աղբիւրում՝ Մարկոսի որդի Օննիկ աղա)՝ իրաւացիօրէն կարելորելով նրա կիրառութիւնը գործաւորութեան միջավայրում¹⁸⁷:

Բուրսայի Արիեստագործական Վարժարանի սաների ձեռքի աշխատանքների կողքին ցուցադրուել է բալլըքեսիրցի Թաքֆոր Մարգարեանի երկաթէ դրամարկղը, որի դուռը չորս կողմից երկաթէ հաստ գլուխներով է փակուել՝ միայն վարպետին եւ դրամարկղի տիրոջը յայտնի բանալիով եւ յատուկ շարժումով¹⁸⁸:

Ցուցահանդէսի Միւղքի աջ սենեակում տեղաւորուել են նախորդ ցուցահանդէսից յայտնի բուրսացի դեղագործ Քուրդիքեանի 22 տարուայ հնեցում ունեցող գեղեցիկ շշերով գինիները, օղիները, կոնիակները, գարեջրերը եւ թուրմերը¹⁸⁹: Կից սենեակում՝ ալկոհոլի մէջ լուծուած վարդի, կիտրոնի, մանուշակի, անանուխի, ելակի եւն.ի թուրմեր՝ բուրսացի Սուրեանի խանութից¹⁹⁰:

Գեղեցիկ խսիրէ շշերով իր օղիներն ու կոնիակներն է ցուցադրել Էդրեմիդից Փափազի որդին¹⁹¹:

Տեղական ջրաղացատէր Զեւահիրջեանը ցուցադրել է չմշակուած ցորենից մաքուր ալիւր ստանալու 35 տեսակ մեքենայական փոփոխութիւնների գործնական նմիւշները՝ 35 ապակեայ ամանների մէջ դրուած¹⁹²:

Փայտի նՄիջների ցուցասրահում ուշադրության է արժանացել բուրսացի յայտնի կահագործ վարպետ Մանուկի պատից կախուած աստղածեւ նրբակերտ 37 տեսակ փայտի կտորներից պատրաստուած սեղանի երեսը, որի մէջտեղում փայտէ կտորներով պատկերուած է եղել լուսին՝ աստղով, ստորին հատուածում փայտէ տառերով գրուած «Փաղիշահըմ չոք եաշա» թուրքերէն գրութեամբ հմտութեամբ պատրաստուած երեսը, որ թուացել է այցելուներին, թէ փայտերն իրար են միացուել առանց գամի¹⁹³:

Տեղական ծխախոտների բաժնում ցուցադրուել է ՔէօՄիւրեան Գրիգորի շերամի տերեւները կտրելու սարքը, որը նախորդ ցուցահանդէսի ժամանակ նոյնպէս ցուցադրուել է¹⁹⁴, իսկ տեղական քաղցրաւենիքների բաժնում իրենց տեղն են զբաղեցրել Սարեան էֆենդիի եւրոպականի հետ մրցող խմորեղէններն ու տուրմի տեսակները¹⁹⁵:

Նախորդ ցուցահանդէսից յայտնի բուրսացի դեղագործ Նշան էֆենդին ցուցադրել է այս անգամ «Լիքսի» գրութեամբ լուսամփոփներ, երկու դինամո մեքենայ եւն.:

Յակոբոս Տէր-Ահարոնեանն այս ցուցահանդէսում եւս ունեցել է իր տաղաւարը՝ գեղեցիկ կերպասներով եւ բաղնիքի պարագաներով¹⁹⁶:

Իսկ տեղի երկաթուղային արհեստանոցի երկրորդ տարուայ 16 աշակերտների (6 հայ, 4 թուրք, 3 յոյն, 2 ֆրանսիացի եւ 1 գերմանացի) ցուցադրած ձեռքի աշխատանքների մէջ ամենաբարդ գործիքը եղել է հայ աշակերտ Արմենակ Քէօսեանի ձեռքի աշխատանքը¹⁹⁷:

Ոսկերչութեանն ու ժամագործութեանը յատկացուած ցուցասրահում իր ոսկէ եւ արծաթէ քորոցներն ու բաժակակալները, անօթներն ու այլ արժէքաւոր իրերն է ցուցադրել բուրսացի Գառնիկ Շիշմանեանը¹⁹⁸:

Իզմիրից Սարգիս էֆենդին ցուցահանդէսին ներկայացել է իր նկարներով¹⁹⁹:

Այս ցուցահանդէսին եւս անդրադարձել են հրապարակումներով ինչպէս տեղի, այնպէս էլ օտարալեզու թերթերը՝ յատկապէս բուլղարական թերթերը²⁰⁰: Նոյնիսկ հրատարակուել է ցուցահանդէսը լուսաբանող ամսագիր: Ամսագիրն ունեցել է 10 համար²⁰¹:

Օսման Քէօքէրը իր *Armenians in Turkey 100 Years Ago* գրքում նշել է. «Ցուցադրուող ապրանքների զգալի մասը պատկանում էր հայ արդիւնաբերողներին»²⁰²:

Ցուցահանդէսի եւ յատկապէս ցուցահանդէսում հայերի մասնակցութեան վերաբերեալ ընդհանրական գնահատական է տալիս Սոֆիայի *Աքշամ Փոսթա* (բլդ.՝ Վեչերնա Փոշթա, 1900-1914) բուլղարական թերթի լրագրող Պիտէր Դասկալովը՝ արձանագրելով. «Ցուցահանդէսում բոլոր ցուցադրուող ապրանքները հայերին էին պատկանում, նոյնիսկ իրաւացիօրէն կարելի էր այն համարել «Հայկական ցուցահանդէս» կամ «Հայկական շուկայ»: Մինչ Բուրսա նահանգի թուրքերը վայելում էին օրը

շարժումների կողքին նստած, հայերի ձեռքում էր աշխատանքն ու հարստությունը»²⁰³:

ՎԵՐՋԱԲԱՆ

Օսմանեան Կայսրութիւնում կազմակերպուած այս երկու ցուցահանդէսները հնարատրութիւն են տուել տեսնելու, գնահատելու երկրի, նահանգի արդիւնաբերական եւ տնտեսական պատկերը:

Ցուցահանդէսները չեն եղել լոկ այցելութեան վայրեր, այլ հիմնականում կազմակերպել են երկրի ներքին առեւտուրը, խթանել միջազգային վաճառականութեան եւ արդիւնաբերութեան առաջադիմիութիւնը, զարգացումը:

Այն արտացոլել է Օսմանեան Կայսրութեան մէջ ապրող ազգերի ընկերային վիճակը: Տուեալ պարագայում՝ կայսրութեան տնտեսական, հասարակական, մշակութային զարգացման կեանքում հայութեան մշտապէս ունեցած դերն ու նշանակութիւնը, ստեղծած եւ ցուցադրած արժէքները:

Դառն իրականութիւն է, որ հայ ժողովուրդի արեւմտահայ հատուածը, Օսմանեան Կայսրութեան տիրապետութեան տակ 100 տարի առաջ կորցրեց իր դարերի նիւթական, մշակութային հարստութիւնը եւ ֆիզիկական կարողութիւնը:

Անցած 100 տարիներին հայութիւնը պայքարել է եւ գալիք տարիներին շարունակելու է պայքարել այդ ամէնը վերստանալու նշանաբանով:

ԾԱՆՕԹԱԳՐՈՒԹԻՒՆՆԵՐ

¹ G. Korkmaz, H. Eken, *Türkiye’de Fuarciliğin İlk Adimlarından*, 1909 Bursa Sergisi, Bursa Araştırmaları Merkezi, 2013, էջ 5, <http://yayinlar.bursa.com.tr/1909-bursa-sergisi/> (ss.1-19):

² Նոյն:

³ Korkmaz, Eken, էջ 6:

⁴ Արման Կիրակոսեան, Բրիտանական Դիւանագիտութիւնը եւ Արեւմտահայութեան Խնդիրը, էջ 21, <http://armenianhouse.org/kirakossian-a/british-diplomacy/ch1.html/>:

⁵ Korkmaz, Eken, էջ 6:

⁶ Նոյն, էջ 8:

⁷ Նոյն:

⁸ Նոյն, էջ 9:

⁹ Նոյն, էջ 10:

¹⁰ Բուրսա Նահանգի (նոյն՝ Խուդաւենդիգեար նահանգը) բնակչութեան թիւը հասել է 1,250,000: Մինչ 1912ը Բուրսա Նահանգում բնակուել են 82 հազար հայ, որոնցից միայն 10 հազարն ապրել է նահանգի մայրաքաղաքում: Եղել է Օսմանեան Կայսրութեան արդիւնաբերական առաջատար կենտրոններից: Ի. դարում տարածաշրջանը եղել է մետաքսագործութեան

կենտրոն: Յատկապես յայտնի է եղել իր սրբիչներով, բաղնիքի պարագաների, կերպասեղենի, յախճապակեայ իրերի արտադրությամբ: Նահանգի հիւսիսային եւ արեւմտեան շրջանները հարուստ են եղել ցորենի, գարու (արտահանուել է Մ. Բրիտանիա), եգիպտացորենի, լոբու արտադրությամբ: Ողջ տարածաշրջանը աչքի է ընկել նաեւ ափիոնի (յատկապես Կարահիսարի սանջակը), ծխախոտի արտադրությամբ, հանքային ջրերով: Հանքարդիւնաբերութիւնը եւս զարգացած է եղել, արտահանուել է քրոմ եւ երկաթ: Մարմարա Ծովի շրջանում ձիթապտղի արտադրութիւնը մեծ չափերի է հասել: Բուրսան աչքի է ընկել ինչպէս վայրի անտառներով, այնպէս էլ պտղատու այգիներով (Prof. Dr. Ramazan Özey, *Hüdâvendigâr Vilayeti, Karesi Ve Biga Mutasarrıflıkları*, Marmara Coğrafya Dergisi Sayı: 7, OCAK- 2003, İstanbul, էջ 2-4):

¹¹ Համապատասխանում է Ռումի օրացոյցի՝ 1322, իսկ Հիջրայի՝ 1324ին:

¹² Համապատասխանում է Ռումի օրացոյցի՝ 1325, իսկ Հիջրայի՝ 1327ին:

¹³ Korkmaz, Eken, էջ 12:

¹⁴ Բուրսայի 1906ի ցուցահանդէսի, ընդհանուր պատկերը ներկայացնելու համար օգտագործուել են ցուցահանդէսի մասին Բուրսայում հրատարակուած օսմաներէն գրքոյկի տեղեկութիւնները (۱۳۲۲ اغسطس ۱۹ تاريخنده برنجی دفعه اوله رق كشاد اولنان):

بروسه محصولات و معمولات سرکسی، ۱۳۲۴، خداوندکار ولایتی مطبعسنده طبع اولنمشدر

կատարել ենք առաջին անգամ: Գրքոյկի առաջին էջերը նուիրուած են ցուցահանդէսի կազմակերպման աշխատանքներին, ընդգրկում է ցուցահանդէսը եւ ցուցահանդէսի կանոնադրութիւնը ներկայացնող բաժիններ եւն., այնուհետեւ ըստ կազաների ներկայացում են աղիւսակներ, որտեղ նշուած են ցուցադրուող ապրանքների տէրերի անունները, ապրանքատեսակը, ապրանքի քանակը եւ գինը, վաճառուած ապրանքի քանակն ու գինը (*գրքոյկը տրամադրել է բանասէր Միհրան Մինասեանը*): Այդ թուերին Պոլսում հրատարակուող *Սուրհանդակ*, *Քիւզանդիոն*, *Ազադամարտ* օրաթերթերի 1906ի եւ 1909ի ցուցահանդէսը լուսաբանող յօդուածները սիրով տրամադրել է հայագէտ Անահիտ Աստոյեանը: Երկուսին էլ յայտնում ենք մեր շնորհակալութիւնը:

¹⁵ «Պրուսայի Ցուցահանդէսը», *Սուրհանդակ Օրաթերթ*, 27 Մարտ, Պոլիս, 1906:

¹⁶ «Պրուսայի Ցուցահանդէսը, Պաշտօնական Բացում, Հեռագիր Մեր Մասնաւոր Թղթակցէն, Պրուսա, 19 Օգոստոս», *Սուրհանդակ Օրաթերթ*, 21 Օգոստոս, Ը. տարի, թիւ 2291, Կ. Պոլիս 1906:

¹⁷ Նոյն:

¹⁸ «Պրուսայի Ցուցահանդէսը, Պաշտօնական Բացում...»:

¹⁹ Նոյն. նաեւ՝ Աբիկ Միլլահիաճեան, «Պրուսայի Ճարտարարուեստական Ցուցահանդէսը», *Սուրհանդակ*, Ը. տարի, թիւ 2292, Պոլիս, 22 Օգոստոս 1906:

²⁰ ۱۳۲۲ اغسطس ۱۹ تاريخنده برنجی دفعه اوله رق كشاد اولنان، بروسه محصولات و معمولات سرکسی

«Պրուսայի Ցուցահանդէսը, Պաշտօնական Բացում...»:

²¹ ۸۰ - ۷۱ دفتر، س س

²² Korkmaz, Eken, էջ 11. նաեւ՝ ۲* س

²³ ۸۰ دفتر، س

²⁴ Korkmaz, Eken, էջ 11:

- ²⁵ دفتر، س* 25 նաեւ՝ Միլապահիաճեան, «Պրուսայի ճարտարարուեստական», *Սուրհանդակ*, 22 Օգոստոս 1906, նաեւ՝ Աբիկ Միլապահիաճեան, «Պրուսայի ճարտարարուեստական Ցուցահանդէրը, Դարձեալ Ցուցահանդէսի Շուրջ», *Սուրհանդակ*, Ը տարի, թիւ 2293, Պոլիս, 23 Օգոստոս 1906:
- ²⁶ Նոյն:
- ²⁷ Korkmaz, Eken, էջ 11:
- ²⁸ «Պրուսայի Ցուցահանդէրը, Պաշտօնական Բացում...». նաեւ՝ Միլապահիաճեան, «Պրուսայի ճարտարարուեստական», 22 Օգոստոս 1906:
- ²⁹ Միլապահիաճեան, «Պրուսայի ճարտարարուեստական», 22 Օգոստոս 1906:
- ³⁰ Նոյն:
- ³¹ Նոյն:
- ³² دفتر، س* 26. նաեւ՝ Korkmaz, Eken, էջ 11:
- ³³ «Պրուսայի Ցուցահանդէրը, Պաշտօնական Բացում...». նաեւ՝ Միլապահիաճեան, «Պրուսայի ճարտարարուեստական», 22 Օգոստոս 1906. նաեւ՝ Միլապահիաճեան, «Պրուսայի ճարտարարուեստական», 23 Օգոստոս 1906:
- ³⁴ Աբիկ Միլապահիաճեան, «Պրուսայի ճարտարարուեստական Ցուցահանդէրը, Նամակ Մեր Մասնաւոր Թղթակցէն», 22 Օգոստոս, 1906:
- ³⁵ Korkmaz, Eken, էջ 11:
- ³⁶ دفتر، س* 3.
- ³⁷ Ցուցասրահների մասին տե՛ս նաեւ՝ * 2
- ³⁸ دفتر، س* 3.
- ³⁹ Միլապահիաճեան, «Պրուսայի ճարտարարուեստական», *Սուրհանդակ*, 22 Օգոստոս 1906:
- ⁴⁰ Աբանի = աբա (թըք.՝ aba), խիտ գործուած բրդէ կտորից (աբայից) կարուած տղամարդու վերնազգեստ, լայն թելերով (Ստեփան Մալխասեանց, *Հայերէն Բացադրական Բառարան*, Հ. 1, Հայկական ՍՍԻ Պետական Հրատ., Երեւան, 1944, Ցուցակ 1, էջ 1):
- ⁴¹ Աբիկ Միլապահիաճեան, «Պրուսայի ճարտարարուեստական Ցուցահանդէրը, Դարձեալ», *Սուրհանդակ*, 23 Օգոստոս 1906:
- ⁴² Միլապահիաճեան, «Պրուսայի ճարտարարուեստական Ցուցահանդէրը», *Սուրհանդակ*, թիւ 2298, 28 Օգոստոս 1906:
- ⁴³ Թութունի, ծխախոտի արտադրութեան վարչութիւն:
- ⁴⁴ Միլապահիաճեան, «Պրուսայի ճարտարարուեստական», 22 Օգոստոս 1906:
- ⁴⁵ Նոյն:
- ⁴⁶ Նոյն:
- ⁴⁷ دفتر، س* 2. նաեւ՝
- ⁴⁸ Նոյն:
- ⁴⁹ «Պրուսայի ճարտարարուեստական Ցուցահանդէրը», 28 Օգոստոս 1906:
- ⁵⁰ Korkmaz, Eken, էջ 11:
- ⁵¹ دفتر، 19 اغسطس 1322 تاريخنده برنجی دفعه اوله رق كشاد
اولنان، بروسه محصولات و معمولات سرکسی،
գրքի:
- ⁵² Աբիկ Միլապահիաճեան, «Ակնարկ Մը Պրուսայի Հայ Ժողովուրդին Վրայ», *Սուրհանդակ*, թիւ 2296, 26 Օգոստոս 1906:

-
- 53 Դֆտր, ս Գ՝
- 54 Դֆտր, ս Գ՝
- 55 Դֆտր, ս Գ՝ Գ՝-Գ՝
- 56 Դֆտր, ս Գ՝ Նաեւ՝ Միպահիաճեան, «Պրուսայի Ճարտարունետական», 23
Օգոստոս 1906:
- 57 Միպահիաճեան, «Պրուսայի Ճարտարունետական Յուցահանդէսը», 23
Օգոստոս 1906:
- 58 Դֆտր, ս Գ՝
- 59 Նոյն:
- 60 «Պրուսայի Յուցահանդէսը», *Քիզանդիոն*, Օգոստոս 28-10 Սեպտեմբեր 1906,
էջ 3:
- 61 Դֆտր, ս Գ՝
- 62 Դֆտր, ս Գ՝
- 63 Դֆտր, ս Գ՝ Նաեւ՝ «Պրուսայի », 1906, Օգոստոս 28-10 Սեպտեմբեր, էջ 3:
- 64 Դֆտր, ս Գ՝
- 65 Նոյն:
- 66 Դֆտր, ս Գ՝ Գ՝-Գ՝
- 67 Դֆտր, ս Գ՝
- 68 Դֆտր, ս Գ՝ Գ՝-Գ՝
- 69 Փողոցային (բաց) շուկայ:
- 70 Դֆտր, ս Գ՝ Նաեւ՝ Միպահիաճեան, «Պրուսայի Ճարտարունետական
Յուցահանդէսը», 23 Օգոստոս 1906:
- 71 Դֆտր, ս Գ՝
- 72 Ընդգրկուել է նաեւ Համիդիյէ Արիեստագործական Վարժարանի
հոգաբարձուների կազմի մեջ (Միպահիաճեան, «Ակնարկ Մը Պրուսայի...»):
- 73 Դֆտր, ս Գ՝ Գ՝-Գ՝
- 74 Դֆտր, ս Գ՝
- 75 Դֆտր, ս Գ՝
- 76 Նոյն:
- 77 Դֆտր, ս Գ՝ Գ՝-Գ՝
- 78 Դֆտր, ս Գ՝
- 79 Դֆտր, ս Գ՝ Գ՝-Գ՝
- 80 Նոյն:
- 81 Դֆտր, ս Գ՝
- 82 Դֆտր, ս Գ՝
- 83 Դֆտր, ս Գ՝ Գ՝-Գ՝
- 84 Դֆտր, ս Գ՝
- 85 Նոյն:
- 86 Դֆտր, ս Գ՝

87 ս 18 Դֆտր,

88 Դֆտր, ս 19

89 Նոյն:

90 Դֆտր, ս 15

91 Դֆտր, ս 20

92 Դֆտր, ս 18

93 Դֆտր, ս 20

94 Դֆտր, ս 18

95 Դֆտր, ս 18

96 Դֆտր, ս 19

97 Դֆտր, ս 22

98 Նոյն:

99 Միսկախիաճեան, «Պրուսայի Ճարտարութետական», 23 Օգոստոս 1906:

100 Դֆտր, ս 37

101 Նոյն:

102 Նոյն:

103 Նոյն:

104 Նոյն:

105 Դֆտր, ս 38

106 Դֆտր, ս 40

107 Դֆտր, ս 37-39

108 Դֆտր, ս 38

109 Դֆտր, ս 40

110 Նոյն:

111 Նոյն:

112 Դֆտր, ս 39

113 Նոյն:

114 Դֆտր, ս 40

115 Նոյն:

116 Դֆտր, ս 38

117 Դֆտր, ս 40

118 Նոյն:

119 Նոյն:

120 Նոյն:

121 Պողպատէ տախտակ աստիճանաբար փոքրացող ծակոտիներով, որոնց միջոցով մետաղի թելը [ոսկեթելը] ձգելով (կորզելով) հետզհետէ բարակացնում են (Ստեփան Մալխասեանց, Հայերէն Բացադրական Բառարան, Հ. 2, Հայկական ՍՍՌ Պետական Հրատ., Երեւան, 1944, էջ 477):

122 Դֆտր, ս 40

123 Դֆտր, ս 50

- 124 օգոստոսի 1972 թ. գրիչը հաւասար է 9.792 գրամի:
125 օգոստոսի 1972 թ.
126 օգոստոսի 1972 թ.
127 Նոյն:
128 օգոստոսի 1972 թ.
129 Նոյն:
130 Նոյն:
131 Նոյն:
132 օգոստոսի 1972 թ. 60-61
133 օգոստոսի 1972 թ.
134 օգոստոսի 1972 թ.
135 օգոստոսի 1972 թ.
136 օգոստոսի 1972 թ.
137 օգոստոսի 1972 թ. 69-70
138 օգոստոսի 1972 թ.
139 օգոստոսի 1972 թ.
140 օգոստոսի 1972 թ.
141 օգոստոսի 1972 թ.
142 օգոստոսի 1972 թ.
143 Նոյն:
144 օգոստոսի 1972 թ.
145 Միլիտարիզացում, «Պրոսպեկտի ճարտարապետական», 22 Օգոստոս 1906. նաե՛լ
Միլիտարիզացում, «Պրոսպեկտի ճարտարապետական», 23 Օգոստոս 1906:
146 Արիկ Միլիտարիզացում, «Պրոսպեկտի ճարտարապետական», 23 Օգոստոս 1906:
147 օգոստոսի 1972 թ.
148 օգոստոսի 1972 թ.
149 Միլիտարիզացում, «Պրոսպեկտի ճարտարապետական», 22 Օգոստոս 1906. նաե՛լ
Միլիտարիզացում, «Պրոսպեկտի ճարտարապետական», 23 Օգոստոս 1906.
նաե՛լ «Պրոսպեկտի ճարտարապետական Ֆուգիտիվիզմ», 28 Օգոստոս 1906.
նաե՛լ «Պրոսպեկտի Ֆուգիտիվիզմ», 1906, Օգոստոս 28-10 Սեպտեմբեր, էջ 3:
150 Միլիտարիզացում, «Պրոսպեկտի ճարտարապետական», 23 Օգոստոս 1906:
151 Միլիտարիզացում, «Պրոսպեկտի ճարտարապետական», 22 Օգոստոս 1906:
152 Միլիտարիզացում, «Պրոսպեկտի», 23 Օգոստոս 1906:
153 Նոյն:
154 Արիկ Միլիտարիզացում, «Պրոսպեկտի ճարտարապետական Ֆուգիտիվիզմ»,
Սուրհանդակ, 25 Օգոստոս 1906:
155 «Պրոսպեկտի ճարտարապետական Ֆուգիտիվիզմ», 28 Օգոստոս 1906:
156 «Պրոսպեկտի Ֆուգիտիվիզմ», Օգոստոս 28-10 Սեպտեմբեր 1906, էջ 3:
157 Միլիտարիզացում, «Պրոսպեկտի ճարտարապետական», 23 Օգոստոս 1906:
158 օգոստոսի 1972 թ.

- 159 Նոյն. նաեւ՝ Միպահիաճեան, «Պրուսայի Ճարտարութետական Ցուցահանդէսը», 23 Օգոստոս 1906:
- 160 ۸۳ دفتر، س
- 161 «Պրուսայի Ճարտարութետական Ցուցահանդէսը», 28 Օգոստոս 1906:
- 162 Նոյն: ۸۳ دفتر، س
- 163 ۸۴ دفتر، س
- 164 Նոյն:
- 165 Նոյն. նաեւ՝ Միպահիաճեան, «Պրուսայի Ճարտարութետական», 23 Օգոստոս 1906:
- 166 بروسه سرکيسی، عدد ۷، ۲۱ اغستوس ۳۲۵، متبعه ولايت، ۸۴*
- 167 Միպահիաճեան, «Պրուսայի Ճարտարութետական Ցուցահանդէսը», 23 Օգոստոս 1906, նաեւ՝ «Պրուսայի Ճարտարութետական Ցուցահանդէսը», 25 Օգոստոս 1906:
- 168 Zafer Toprak, “Jön Türk Devriminin Görselleşmesi – 10 Temmuz Bursa Sergisi - 1909”, *Tombak*, Sayı 29, Aralık 1999, էջ 2:
- 169 Զ. Գրիգոր, «Պրուսայի Արուեստահանդէսը», Պրուսա, 31 Օգոստոս», *Ազատամարտի Օրաթերթ*, 8/21 Սեպտեմբեր 1909, էջ 2:
- 170 Korkmaz, Eken, էջ 14:
- 171 Toprak, էջ 3:
- 172 Korkmaz, Eken, էջ 13:
- 173 Նոյն:
- 174 Նոյն, Eken, էջ 15:
- 175 Գրիգոր, էջ 2:
- 176 Korkmaz, Eken, էջ 12. նաեւ՝ Toprak, էջ 13. նաեւ՝ Seher Boykoy, A-3/ Bursa Sergileri, s. 20, <http://anemi.lib.uoc.gr/php/pdf>, 01.11.2016:
- 177 Գրիգոր, էջ 2:
- 178 Toprak, էջ 13:
- 179 Korkmaz, էջ 15. նաեւ՝ Toprak, էջ. 13:
- 180 Գրիգոր, էջ 2:
- 181 Korkmaz, Eken, էջ 15. նաեւ՝ Toprak, էջ 13.
- 182 Korkmaz, Eken, էջ 14:
- 183 Գրիգոր, էջ 2; նաեւ՝ ۷۹-۸۰ س، س ۷، ۲۱ اغستوس ۳۲۵، متبعه ولايت، س ۸۱.
- 184 Գրիգոր, էջ 2
- 185 Նոյն:
- 186 Նոյն:
- 187 بروسه سرکيسی، عدد ۷، س ۸۱.
- 188 Գրիգոր; նաեւ՝ ۸۲ س، س ۷، بروسه سرکيسی، عدد ۷، س ۸۱.
- 189 Գրիգոր; նաեւ՝ ۸۱ س، س ۷، بروسه سرکيسی، عدد ۷، س ۸۱.
- 190 Գրիգոր:
- 191 بروسه سرکيسی، عدد ۷، س ۸۰.
- 192 Գրիգոր:
- 193 Նոյն:
- 194 Նոյն:

¹⁹⁵ Նոյն:

¹⁹⁶ بروسه سرکيسي, عدد ٧, س ٧٤.

¹⁹⁷ Գրիգոր:

¹⁹⁸ Նոյն:

¹⁹⁹ بروسه سرکيسي, عدد ٧, س ٧٧.

²⁰⁰ Korkmaz, Eken, էջ 17-18. Նաև՝ Hüseyin Mevsim, BULGAR KAYNAKLARINDA 1909 BURSA SERGİSİ, <http://btk.balgoc.org.tr/yazilar/hmevsim.html/>, 14.04.2017

²⁰¹ Korkmaz, Eken, էջ 18-19: Դեռևս ամսագրի բոլոր համարների թուային տարբերակները մեր ձեռքում չունենք, որն անկասկած լաագոյնս կարող էր ներկայացնել մեզ ցուցահանդեսի բովանդակությունը:

²⁰² *Armenians in Turkey 100 Years Ago, Volume II*, Edited by Osman Köker, Translated by Ahmed Fethi, Istanbul, 2013, էջ 42:

²⁰³ Mevsim:

EXHIBITIONS ORGANIZED IN BURSA PROVINCE AND THE PARTICIPATION OF
ARMENIANS
(Summary)

ANI J. AVETISYAN
aniavet84@mail.ru

The author focuses on two industrial and agricultural exhibitions, which took place in the capital of Bursa Province. The first one was in 1906, during the reign of Sultan Abdul Hamid (1876-1909); the second was in 1909, during the reign of Sultan Mehmed (1909-1918). The last exhibition was held in 1923.

Based on published documents, the booklets of the exhibitions and newspaper coverage, the author notes that exhibitors and craftsmen came from Bursa, Istanbul, Ankara, Sparta, Konya, Thessaloniki, Edirne, Kayseri, Manisa, Kirshehir, and other regions of the Ottoman Empire, both close and relatively distant.

Armenian participants, master craftsmen and merchants, displayed silver and gold items, caskets, silver-framed mirrors, silver belts, silk and woolen carpets, clothes, embroidered pillowcases, ties embroidered with pearls, silk, handkerchiefs, tablecloths, antique jewelry, swords, ornate chests, musical instruments, old wine, cognac and vodka, preserves, olive oil, syrups, barley, wheat, olives, thermometers, saddles, agricultural and shoemaking tools, large bath towels, bathrobes, leatherwork, pearls, ceramics, wood work, furniture etc.

The author highlights the participation of Armenians (106 participant in the 1906 fair) in these exhibitions and, based on the list of participants and the material displayed, concludes that Armenians outnumbered Turkish and other ethnic participants in displaying both agricultural products, handcrafted items and self-invented materials.

